

Uunga siunnersuut: Imigassaq pillugu Inatsisartut inatsisaat nr xx, xx.xx 2017-imeersoq.

(Peqqissutsimut Nunat Avannarliit Suleqatigiinnerannullu Naalakkersuisumit saqqummiunneqartoq)

pillugu

Ilaqtariinnermut Peqqissutsimullu Ataatsimiititaliap

siunnersuutip pingajussaaneernejarnissaanut

ILASSUTITUT ISUMALIUTISSIISUTAA

Ulloq 14. november 2017-imi siunnersuut nalilersoqqillugu ataatsimiinnermi Ilaqtariinnermut Peqqissutsimullu Ataatsimiititaliami ilaasortat sinniisussallu makku peqataapput:

Inatsisartunut ilaasortaq Laura Táunâjik, Siumut, siulittaasoq
Inatsisartunut ilaasortaq Justus Hansen, sinniisussaq, Demokraatit
Inatsisartunut ilaasortaq Jess Svane, Siumut
Inatsisartunut ilaasortaq Mala Høy Kuko, Siumut
Inatsisartunut ilaasortaq Aaja Chemnitz Larsen, sinniisussaq, Inuit Ataqtigiit

1. Siunnersuutip aappassaaneernejarnera innersuuteqqinneqarneralu.

Naalakkersuisooqatigiinnit Siumut, Inuit Ataqtigiit aamma Partii Naleqqamit ulloq 13. november 2017, ukiaanerani ataatsimiinnermi 2017-imi siunnersuutip innersuuteqqinneqarnera tunngavigalugu ataatsimiititaliami suliareqqitassanngorlugu innersuunneqarpoq, tamannalu tunngavigalugu ilassutitut isumaliutissiissut una tunniunneqarluni.

Innersuusseqqinnermi Demokraatit akerliunngillat. Aappassaaneerinninnermi Naalakkersuisut allannguutissatut siunnersuutaat Inatsisartuni amerlanerussuteqartunit tapersorsorneqarpoq.

Arfininngornikkut imigassamik tuniniaanermi piffissat sukumiinerusumik nalilersorneqareerlutik illoqarfinni nunaqarfinnilu ammasarfiit assigiinngisitaarnissaat ataatsimiititaliami amerlanerussuteqartut kissaatigimmassuk innersuusseqqinnermi tunngavigineqarpoq. Siunnersuummi § 25, imm. 2 innersuussutigineqarpoq, matumani

Naalakkersuisut allannguutissatut siunnersuutaanni arfininngornikkut nal. 11.00-imiit 15.00-imut illoqarfinni kiisalu nal. 10.00-imiit 13.00-imut nunaqarfinni imigassanik aalakoornartulinnik tuniniaasoqarsinnaasoq akuersissutigineqarallarluni.

2. Arfininngornikkut tuniniaasarnerup ataatsimiititaliamit sukumiisumik naliliivigineqarnera.

Arfininngornikkut imigassanik aalakoornartulinnik tuniniaanissamut periarfissap sukumiisumik nalilersorneqarneranut atatillugu arfininngornikkut imigassanik tuniniaanermi ammasarfiit asigiissaarneqarnissaat pillugu nutaamik eqqarsaatigeqqinneqarnerani ataatsimiititaliami isumaqatigiittoqarpoq, taamaalilluni illoqarfinni nunaqarfinnilu arfininngornikkut imigassamik aalakoornartulimmik tuniniaanermi periarfissat assigiit attatiinnarneqarsinnaaqullugit.

Ataatsimut isigalugu assigiiaarineq tamanna immikkut isiginiarneqarnissaa pingaaruteqartoq ataatsimiititaliaq isumaqatigiittoq isumaqarpoq.

Arfininngornikkut tuniniaasarnermi piffissanut tunngatillugu illoqarfinni nunaqarfinnilu ammasarfiit assigiissaarneqarnissaat pillugu allannguutissatut siunnersuummik pingajussaaneerinissamut Naalakkersuisut saqqummiusseqqullugit qinnuigineqarput

3. Siunnersuutip tamakkiisumik oqaatsitigut pitsaassusaata qulakkeerneqarnissaa suli pisariaqarpoq.

Siunnersuutip aappassaaneerneqarnissaanut isumaliutissiissutimmi oqaatsitigut pitsaassusaa qulakkeerneqarnissaa pillugu Naalakkersuisut ataatsimiititaliamit qinnuigineqarput. Tamanna inatsisissatut siunnersuutip kalaallisuuani malunnarpoq.

Siunnersuutip oqaasertaasa pitsaassusaasa qulakkeerneqarnissaat suli pisariaqarsorinarpoq, kingullermillu Naalakkersuisunut uparuarneqarpoq, aappassaaneerinninnermi allannguutissatut siunnersuummi kalaallisoortaa naapertuunnanilu eqqortuunngimmat.

Allannguutissatut siunnersuutip kalaallisuuani piumasarineqartutigit kukkuneqarpoq, matumani eqqunngitsunik oqaatsinik atuisoqarluni. Appassaaneerinninnermi allannguutissatut siunnersuutip kalaallisuuata nr. 4-ni asersuutigalugu allassimavoq “*imigassartortitsisoqarsinnaavoq*” (må man lade folk drikke alkohol), naak ima allassimasussaagaluartoq “*sassaalliisoqarsinnaavoq*” (må der udskænkes).

Naalakkersuisut siunnersuummut akisussaassusertik takutissagaat ataatsimiititaliamit kaammattuutigineqarpoq, taamaaliornikkut inatsisissatut siunnersuutip pingajussaaneerreqarneranut kalaallisut oqaasertaliussat pitsaassusaat qulakkeerneqarsinnaaqqullugu.

Siunnersuummi tamakkiisumik oqaatsit eqqortut atorneqarnissaat qulakkeerneqarnissaat siunertaralugu pingajussaaneerinninnissamut allannguutissatut siunnersuummik Naalakkersuisut saqqummiusseqqullugit qinnuigineqarput.

4. Inassuteqaatit

Ilassutitut siunnersuummi matumani siunnersuummut allannguutissatut siunnersuut ataatsimiititaliamit isumaqatigiittumit tapersersorneqarpoq.


Siunnersuummut tamakkiisumut inaarutaasumik inassuteqaammut tunngatillugu, ataatsimiititaliap inassuteqaatai naapertorlugit Naalakkersuisut allannguutissatut siunnersuuteqarpata ataatsimiititaliami amerlanersuuteqartunit Siumut aamma Inuit Ataqtigiit siunnersuutigineqartup Inatsisartunit akuersissutigineqarnissaa suli inassutigineqarpoq.

Tamatuma saniatigut siunnersuutip aappassaaneerreqarnerani ataatsimiititaliami amerlanerussuteqartut oqaaseqaataat tamakkiisumik attanneqarput.

Ataatsimut isigalugu siunnersuummi inaarutaasumik inassuteqarnermi taatsimiititaliami ikinnerussuteqartut Demokraatit suli siunnersuutip itigartinneqarnissaa inassutigaat.

Siunnersuutip aappassaaneerreqarnerani ataatsimiititaliami ikinnerussuteqartut oqaaseqaataat tamakkiisumik attanneqarput.

Taama oqaaseqarluni isumaliutissiisummilu oqaatigineqartutut paasinnilluni siunnersuut Ilaqutariinnermut Peqqissutsimullu ataatsimiititaliap pingajussaaniigassanngortippaa.



Laura Táunâjik
Siulittaasoq




Nivi Olsen
Siulittaasup tullia




Jess Svane




Mala Høy Kuko



Debora Kleist



Peter Olsen



Bendt B. Kristiansen